

愕然上魚各反開剖下正口反齋音齊姝妙上尺朱反捐音線

奮音奮謗訕下所願所燿然上呼郭反倅音丙鎧音苦爰音爰

然上七廉反蚊行上渠移反喘息尺軟反溼溺上濕字下

非姦上哀反數下越也軒牖下音酉刻鏤二字音龔音盧

陂池上音碑苑囿上音種刻鏤二字音龔音盧

壁必益反痛癢下音養捷脊上音軋焯焯下音烏

燭除俱懸反黥黥上烏反回下可反

經籍下亦反攘捨上而羊反回下可反

阿惟越致遮經卷第二 木九

西晉三藏法師竺法護譯

奉法品第三

佛告阿難如來至真等正覺何因讚揚菩薩

奉持法乎菩薩於此存於佛道而不退轉執

持覺執了了分別不越法界不可思議逮得

一

經籍所可摠持常處不動志順法句質一切

疑諸法自然無所倚著所可摠持不有依立

順於摠持不專經本志常樂聖欽敬道者於

一切法而無所受以不受行乃為演法志性

仁調進止安隱講寂然經於此持法不倚不

捨一切自然則聖道相以獲此義未嘗越失

其身所行體常堅住世非有處何謂善住常  
觀察之未嘗見此身安諦住自順正法等于  
境界不去不來作是解知諸佛菩薩所可說  
法逮得此籍清淨無垢見一切法無合無散  
觀諸經典忽然不見所以不見諸法無為以  
故不見以不見法則無所持知界虛空則演  
經籍諸想自然不有調戲無形清涼離心無  
心心不可得設不可得則為道心而無去來  
講寂然行不有言說無所慕求於法如此無  
依因者所以不倚不興法兒常順經典是善  
薩法而無所著不生泥洹彼說此義猶如顯  
致不慕種性以獲如此捨諸種性逮菩薩行

無所得法於諸往返不去不來一切諸慧無  
 去來今執信如是不動不搖不退不捨奉持  
 諸法不急不緩是謂持法得菩薩道既得聖  
 行則無所得以成如是菩薩大士名曰奉法  
 佛於是頌曰  
 一切諸佛法 未嘗有退轉 奉持經如此

是則為持法 講諸佛佛法 無想不自然  
 甚深不可得 是則為持法 未嘗毀諸界  
 法界無思議 以得致彼義 則謂為持法  
 奉法殷勤懇 諸佛之所演 其心無所著  
 則謂為持法 所執無進退 一切法自然  
 衆經無所著 則謂為持法 不立於寂滅

奉持履大迹 以隨順彼典 則謂為持法  
 道常為法身 慕求微妙說 棄捐於懈怠  
 是則為持法 聽經則採受 學思而翫習  
 性仁遊居安 是則為持法 常講恢然義  
 執經而不著 得致無想行 是則為持法  
 堅心立於道 明智行無住 於身常非身

木九

二

彼解深如是 以致於空身 法界則平等  
 無往亦無來 分別身諸想 諸佛及菩薩  
 所可講說法 普逮此經典 是則為持法  
 一切法無為 彼界甚清淨 以奉此經者  
 是則為持法 廣察一切經 適見便不見  
 若不見諸法 彼則無所持 是諸界皆空

則為講法界 自然離眾想 無形不調戲  
 其心捨諸有 志亦不可得 設不能逮心  
 此念為最上 所志無有意 講法寂然義  
 無言無所著 是心乃為尊 以能奉此法  
 所與不有著 不倚於諸界 是則為持法  
 菩薩所奉法 如是應經籍 不依無所舉

示現無有造 如是行善訓 順彼諸種性  
 以得是義者 故讚揚種性 以殖於此性  
 謂為菩薩義 能順此摠持 是則為持法  
 了不見諸法 一切無所趣 其若咸馳至  
 亦不是彼法 當來亦無趣 其解一切法  
 分別了摠持 不制不動搖 非捨無所追

彼則與造法 不舉無所下 摠持樂於法  
於諸法無法 講說不有著 不得於諸經  
是則為持法 阿難吾以故 開演菩薩行  
逮致微妙道 是則讚諸法 阿難吾以故  
歌頌奉法者 用人想道玄 開導此等類  
降此無數法 菩薩之所讚 善權永安隱

本九

二二

故歎於此經

佛告阿難是故如來至真等正覺讚揚菩薩  
摠持之法此所現義亦善權方便

阿惟越致遮經八等品第四

佛告阿難如來至真等正覺何故讚揚菩薩  
八等之義於此菩薩遠于八邪獲致脫門而

無所著不倚八正度凡夫法立於道義獲致  
中正超于凡俗願立道慧不見得塗出於邪  
徑常住正觀獲平等跡離於貪身願住道義  
逮致佛身除起人想常思佛教等心一切遠  
眾生著常處無倚諸法悉斷所以者何法不  
可獲身所崇力離世俗籍慕度世典獲定法

界不逮道法亦不離俗釋有無義遵修平夷  
捨斷著想去來現在心念無殊不得道意所  
以者何等志一切遵修普慧毒火刀杖不能  
危身悉捨諸界致于佛土不離諸道立無去  
來道所往來輒弘大安故曰菩薩塗不有任  
所以者何佛道則空是故無處以無所任刀

不向身無能害者斯謂獲安適逮此行無學  
不學亦非所求不得聖賢志未嘗慕以是之  
故刀不能害身無能動搖一切道空分別空  
慧刀不能害用弘大慈愍於眾生得寂定界  
逮憺然界弘施悲哀棄捐志心其行慈者則  
發明慧以慈化世成就大哀不得人處厥慈  
具足刀不能傷等於欲界色界無色界等于  
法界平均之界道無若干不與識念無有真  
志離於調戲寂然無音法界如此度諸所有  
菩薩造行諸可專心一切音聲所至到處法  
莫有所奉不任終始羣黎所趣但音聲耳所  
爲了了講法化者有無說想與其言也以捨

我想度諸音聲越干等邪逮得是教解一切法言音聲耳亦不獲法莫有度者是謂八等未嘗慕著一切音聲佛於是頌曰

以住於八等 逮致八解門 於八無所著 是謂為八等 越八凡夫行 得住於正義 不觀中間慧 是謂為八等 超度俗夫行

木九

四

得住於佛道 於是無所獲 是謂為八等 遠離眾邪見 遵修於正見 獲致平等道 是謂為八等 以除於貪已 而立正聖道 逮致得佛身 是謂為八等 棄捐眾生想 常志修佛行 平均吾我人 是謂為八等 得越眾生想 往於無所處 諸法盡逝過

是謂為八等 捐離於俗法 奉修聖正教 而致寂然義 是謂為八等 所去為俗法 佛道亦如是 於此法無得 是謂為八等 言有一本耳 無有二無際 獨除如此念 是謂為八等 不處於中間 無志斷著行 道慧如平一 是謂為八等 不得過去心

當來亦如是 平夷於現在 是謂為八等 始無心所由 其發道意者 此心不可獲 向緣如致道 以入無所著 如聖無可獲 以故刀與毒 莫能危之者 脫離於五道 眾想之所由 具足於往返 是故謂無欺 道捨不周旋 所言奇聲耳 棄除諸響者

是故不自欺 不得其所由 從來亦如斯 去來唯音耳 但勸於學者 安化故有言 其安亦復空 以應如此學 故能不自欺 菩薩所翫習 了學如此慧 一切無所斷 是謂不自欺 彼不自貪已 設有利刀刃 不能加害身 莫有動搖者 普慈於一切

木九

五

樂道之大哀 捐除恚害心 利刀莫能加 設有欲害者 自計身空無 而致獲佛道 刀則何緣傷 逮得憺然句 棄除諸惡道 一切殃盡滅 刀刃不能害 成就於明慧 聖達無所乏 顯曜逮佛道 以故刀不害 欲界及色界 無色為三界 等同斯三界

是故不自欺 等種成正覺 不見名別異  
無陰豈所淨 清淨遠調戲 入斯平等跡  
故曰為菩薩 若著音聲者 無離於五道  
雖言至法界 講其無所去 以逮不任忍  
謂之為八等 分別諸響應 講說寂然法  
無念非有名 故謂為八等 除釋一切音

而得無聲界 是謂為八等 不著一切響  
因聲解諸法 一切法自然 諸法無有名  
不見有度者 阿難我是故 讚揚正八等  
義響而趣斯 是亦無所獲  
佛告阿難如來至真等正覺歎美菩薩演八  
等聲斯義所趣權慧方便也

阿惟越致遮經道跡品第五  
佛復告阿難如來何故咨嗟菩薩為道跡乎  
軌能通流至於佛心菩薩住此諸所興造永  
無所立不進不懈度一切法逮于佛法不著  
仁慧非倚於法無所著行而弗有處具足妙  
行得獲聖跡精進菩薩其力堅強心慈忍辱

未嘗懈怠捨除慢惰慕求妙道世尊最上不  
著聖行亦無所住存在斯道而求諸法其所  
索者永無可獲未嘗動搖雖住於道計聖生  
死佛慧平等棄離眾樂而等陰蓋滅除一切  
貪身邪見勤修觀佛察彼精進以觀聖軌悉  
除諸想超度吾我是謂道跡不著佛路得無

為覺不疑聖慧佛之戒禁弗倚於世不覩其  
戒以無所見則不有求戒莫而慕除釋三結  
正住三界乃獲大安護眾生想不倚不塗捨  
一切著乃得佛道致寂然跡不計身命一切  
所有施而無惜諸根常悅捨除恚色遵修聖  
行雖以惠與無所放施救羣生厄既有所度

不任無為越一切想與無念法棄捐人想而  
逮斯慧不懼眾會論于寂義用淨佛道超度  
諸難不畏生死所以者何逮憺然法而無瑕  
穢聖化妙安知無往來鋤眾類想但正道明  
志清淨行時佛而頌曰  
講論彼道跡 佛聖無思議 計眾有住者

則為道所將 聖慧最上安  
 空寂不有住 於彼無所得  
 菩薩志堅強 唯趣是聖教  
 志道不有貪 心常採大慧  
 不倚無所著 所謂生死想  
 具足正平等 是謂解道跡

不倚眾相網 以獲斯道者  
 世尊無有上 以是為道跡  
 佛念亦如是 無有眾陰蓋  
 當習無所著 斯已而不懼  
 若習諸經籍 善權捨諸求  
 處世無所畏 設至於眾會  
 便唱惔然法 淨治于聖道  
 以解自然行 用無強著故  
 若捨眾患害 便不畏終始  
 逮得淨然道 則捨眾畏難

演析於道法 是故除一切  
 眾生皆倚身 與心觀佛道  
 常觀于聖路 身本時興結  
 以故無塵埃 不著于佛道  
 將無不得佛 以釋斯猶豫  
 假使識於戒 及佛所演禁

了斯為道跡 其意志所察  
 凶危想有我 初志懷狐疑  
 正立于佛道 調除諸戒想  
 離垢安最上 等了惡道休  
 平等上聖軌 道恩則不離  
 為現道跡事 用懈廢劣人  
 以微妙善權 講論佛聖道  
 是以為唱導 導師所演法  
 本行亦若茲 志慕于佛道  
 我是故阿難

無應不應禁 超度於三結  
 則獲致佛道 分別眾生想  
 而願求大慧 逮志聖寂然  
 常捨心布施 棄捐嗔恚色  
 存道無放逸 一切不矜恡  
 是故謂道跡 任處于上路

等住于三界 習空明軌迹  
 不著于佛道 以故無有命  
 救濟眾惱患 未嘗興諸想  
 分別說道跡 朦冥如意塞  
 為說不能解 愚駭心冥冥  
 聽諸志深要 阿難吾是故  
 設了菩薩無 是輩能解耳  
 訓化於道跡 履軌之音聲  
 佛告阿難如來至真等正覺光曜菩薩謂為  
 多想求如此 謗訕慧精進  
 歎美於道跡 無數百千籍  
 為現佛道開

木九

七

道跡當知是義善權方便也

阿惟越致遮經往來品第六

佛復告阿難如來何故暢說菩薩為往來乎

於是菩薩入於佛道不可思議志求聖覺無

量因緣於諸憤鬧無所興造致致大道慧斷

諸緣慕素佛明求不亂禪越一切定釋諸塵

埃乃速致法等佛典籍了一切經惟求此義

如來所護道德之明人未嘗動無所轉移則

為法界憂念眾生心閉意塞遭眾苦患不了

經典慕求佛道立之此慧而志大明根力覺

意三解脫門定意正受分別是義吾身如何

開化衆人令慕佛道當以此明勸化道場而

求佛眼心無陰蓋若入正觀導利世間所志

慧因諸聖之上其不了慧一切諸法之所歸

趣明不可獲以是之聖不求衆生便當立之

於此諸慧了法無處以故當來觀羣萌界求

無心處慕於不念非得彼界不來不往成就

衆生往亦不往開化人民了黎民處分別此

木九 八

義隨其開化觀是諸法一切衆生皆存法界

察以不見等御法界則省一切經典平夷觀

于大道以佛聖慧不得人無了人道等求如

是像無持之慧離垢塵埃故慧無非處其以

無慧求大明軌不可望聖是慧慧中之大明

慧不有諸求亦無所慕是謂聖明之智菩薩

所行能得是者以故求來此謂往來於是頌曰

此智有往來 佛慧難思議 是故謂往來

志求於佛道 開化多因緣 乃成於佛路

是事順慧均 慕求不復還 不倚一切禪

勸化諸塵埃 欲救濟斯等 具足於往來

佛經平等法 分別人無相 曉了如本無

以故謂往返 所可獲法者 達了一切慧

吾亦當獲是 欲求所住處 未嘗勸衆生

及計諸法界 故謂於往來 不近所歸處

憂念無數人 少智既遭患 欲立於斯慧

則求佛大道 根力及覺意 講詠三脫禪

分別斯義已 故求佛聖道 志慕於道場

過去佛所倚

則立存大聖

慕樂慈愍眼

是故為往來

慕于佛大道

世尊微妙義

自志斯深慧

明智之所了

一切法之歸

及以求道者

濟之無數人

以故為往來

本九

九

來者有所求

懷來觀佛界

人界不可議

故以為往來

於彼救眾生

省察眾生界

求之不可得

故以為往來

慕心於法界

羣黎無所趣

及一切人界

若曉了彼處

順所遊分別

觀一切諸法

見已則不現

常一心定意

求佛大聖道

如是微妙慧

無垢如清淨

而明所分別

其智不可獲

菩薩所欣樂

開化於眾生

則獲彼明智

何緣來至此

吾是故阿難

論講于往來

為少智之人

觀示所興念

吾是故阿難

論說於往來

人懷精進者

爾乃曉了此

有德者分別

解深妙之義

能獲於斯等

速得成大道

佛告阿難如來至真等正覺班宣菩薩為往

來當知是義亦是善權方便也

阿惟越致遮經不還品第七

佛復告阿難何故如來說美菩薩為不還乎

於是菩薩一切所存處處造行超越諸有而

逮佛明蠲除諸行降伏此已則不復還所以

者何見一切法不有往還超度凡夫捨捨俗

慧入佛明智獲無所住諸法平夷所以者何

用致寂界非動凡夫不立聖道塞諸惡路免

濟情欲於食無食逮上明迹拔去諸見則無

所著無有諸邪六十二見已越生死觀於泥

洹踰之無為釋棄眾想不隨經籍淨垢惡道

捐棄貢高不懷自大出於無點憂惱之源破

壞愛欲滅除眾冥拔去貪樂捨置塵埃驕慢

自恣止息斯礙遠離世智故思佛乘等獲聖

慧菩薩捐志捨愛欲界則習本淨過去聖藏

之志厥慧無上諸佛所解欲以顯思一切眾

生極尊無極為一切乘此則佛慧菩薩獲斯  
諸想無想等除一切狐疑之界菩薩逮是則  
不復還又問阿難其有人不住於道悉當立  
之以道是者覺了衆生明爾則道能覺如是  
則制人想所以者何知於空事人界難議平  
等道慧所以者何分別若此羣黎之種則空

本九

十

淨界人種亦空遠於衆想一切諸人與空無  
特計不有身不獲久住彼則亦空虛空無空  
免一切想無念致道蠲除衆生虛空之想無  
棄不棄所以者何一切諸法皆為平淨一切  
衆生而無所捐等於所釋故無所得已不有  
獲是以不來此者乃計為之不還有為無為

於一切法覺了所會越度諸患故謂不還於  
是佛頌曰  
彼則無所生 造行如所處 蠲除諸所住  
是謂不復還 曉知於往還 不著一切法  
所住不可得 是故不還此 其凡夫之行  
及佛世雄教 不然無所量 故謂不復還

諸法無復來  
是謂不復還  
逮致佛道明  
於食而不著  
衆見之所行  
則謂為不還

亦不復諸往  
其人未嘗往  
則謂為不還  
得至於道場  
分別六十二  
此法無終始

以獲無去來  
不至於三塗  
決除一切欲  
則謂為不還  
不墮於彼際  
已捨離諸畏

斯慧如本無  
不著諸塵勞  
已斷諸惡道  
則謂不復還  
永無有衆念  
蠲除愛欲根

是故不至此  
斷除彼衆想  
洗去衆垢著  
降伏於弊魔  
是故不詣此  
斷截盛貪婬

所應無為寂  
是故不詣此  
學寂然無為  
及官屬兵刃  
挽拔癡憂惑  
是故不詣此

除制諸塵垢  
故謂不復還  
憶斷於五陰  
佛乘無有上  
已知佛藏處  
是故不詣此

拔去於衆想  
捐去衆愁感  
故謂不復還  
不貪愛欲患  
諸藏中第一  
彼處於尊乘

究竟至尊慧  
破壞於貢高  
志乘得光明  
故謂不復還  
過去佛所辦  
佛聖無有上

截去諸狐疑 是故不詣此 受于無數人  
 勸立於佛道 以得止聖軌 是故不詣此  
 曉了空無界 等心於人界 遠離諸著想  
 是故不詣此 曉了一切界 法界亦如空  
 衆生不可得 是故不詣此 分別黎民界  
 虛空無思念 一切法如之 是故不詣此

其人而無心 退除於衆想 諸念不成道  
 則謂為不還 吾是故阿難 歎說於不還  
 諸事永不來 得住於佛道  
 佛告阿難是故如來至真等正覺歎美菩薩  
 為不還亦當知此為善權方便也  
 阿惟越致遮經無著品第八

佛復告阿難何謂如來歎美菩薩為無著也  
 是菩薩沒一切行離於處土不倚諸佛度脫  
 衆生不有所造塵勞之垢及與苦樂已滅色  
 欲救濟一切故謂為無著弗得衆生不獲欲  
 埃非貪如是故謂無著釋去侵欺處無所住  
 一切法空以了寂靜不習衆想諸想已定則

除衆思不計有人壞滅所志而知空法得無  
 所著佛道無思具足不怙故謂無著演說典  
 籍破壞衆瑕歎於往古佛等正覺教當來現  
 在而不放逸清淨離穢惟論寂然故謂無著  
 菩薩大士開化諸人立于佛道求聖路者於  
 一切法而無所慕具足慈心行佛之仁永不

有與彼慈如此故謂無著化立衆生亦不得  
 人究竟大哀曉了不處故謂無著為衆生故  
 加恩見道法無法想斷除如此故謂無著讚  
 揚覺力計有願數獲於不住拔除衆根志化  
 衆生了清淨法使成道義求不有倚故謂不  
 著都不於處制不貪身於諸萬物非有所依

本九

十一

求及與衆會不毀萬物講有為法如是無本  
 故謂無著遊諸佛土去無所至不起本末觀  
 佛聖尊覺道無寂故謂無著非有依處立如  
 斯土於無量刹平等諸國不調戲界清淨不  
 住福德之域空無諸刹不退轉地無有女人  
 釋去塵勞睡眠之志得佛聖國除陰蓋土降

魔官屬去諸怨敵入寂然土感動變化立於願刹去衆求國菩薩具足佛之感曜住無所住觀獲佛意淨印印衆多所安國捨離一切瓔珞寶飾衆垢之瑕究無爲地一切最尊成如是像微妙佛處諸法皆空具足道行故謂無著蠲除衆樂諸想不可於一切法不嗔不

怒寂平等乘則爲佛慧身口心同習無上寂慕求聖道不著軌迹不想思人悲念衆生無心不心勸化無數億百千人使立大道開示萌類使念佛法等諸人物導利無數衆庶黎民令發聖意而無等倫一切諸法均空特異本空慧同立之不想能等如是知無所倚已

了若此應其衆生而爲說法不慕諸利無倚經籍具足離想講法如是求不有言多所化濟不見度人救於衆生斷著諸事免諸貪瞋超越貢高覩一切法不起不滅開化羣黎萬物之想令不壞色痛痒思想生死之識凡夫不動則應解脫而立佛法著道迹者化之不

木九

十三

倚則成除勛導利所依令無佛想則爲免濟勸發菩薩弘不念心救道因緣諸憤亂意離癡狂詐具足三昧成就定意不懷衆想拔於邪智令觀正慧化發聲聞慕反迹者制倚父母妻子舍宅兄弟姊妹令除恩愛度著國土財色萬物貪求之想塵勞顛倒開化諸著萬

物之想慕離於家而爲寂志懈廢羸劣等脫諸相成入佛土欲垢之法興發道意心不有二未曾生念是無爲法此生死法因緣無緣道意俗心犯戒護禁開化此輩與二想者使其無念度諸根本故曰無著衆祐賢聖懈怠精進男子女人頑愚聰達明聖暗結導利此等令無二心救進衆生故曰無著是謂菩薩成不退意或有受別又復不著斯諸菩薩近道遠道分別此義不生二想得逮聖路至不起餘而般泥洹便離發意而不有倚緣此諸法以開化人如是自然解一切法演無根本故曰無著時佛歎曰

釋除一切行

所導亦如是

棄捐諸言教

平等覺所處

為衆生講法

真人覺正教

故曰為無著

鋤捐諸塵埃

度脫勤苦患

則觀于無見

如諦觀聖覺

是謂為無著

救濟于衆生

名之曰無著

察人不可得

成就自然國

今我得知之

究竟無本始

欲垢亦如之

諸法無可獲

故曰為無著

是謂為無著

除去諸所知

心不懷嗔害

蠲去諸顛倒

立心處不惑

分別知法空

應真如無恨

習成寂然道

定意而不滅

可曰為無著

了解知空義

無有諸想著

靜怕無所起

念道亦如是

故謂為無著

除去一切願

号曰為無著

捐除一切想

人物不增動

衆生界如是

億萌亦普然

及人衆惡念

心無邪亂意

故曰為無著

化之立道義

羣生及與道

所處永無念

解空無所依

佛道不可量

勗勉大精進

計慧悉平一

是謂為無著

平等無像類

故曰為無著

講經所因緣

恬靜無調戲

一切法亦然

心正若如道

故曰無思念

勸人立道德

興名曰無著

真人修行慈

所謂為應真

諸法非所著

能為人分別

欲令衆生安

勸人不可得

故曰名無著

寂爾而無倚

為人講法義

雖言而無教

本無講經籍

加恩衆生類

未嘗有人想

普度無量人

見衆不有動

衆生無可獲

故曰為無著

正真根力覺

為人分別說

諸民除斷著

拔人離邪見

度衆勤苦惱

己身逮此慧

故曰為無著

知人之寂定

一切法不起

所處亦無滅

觀衆生諸想

清淨法致道

開演大聖教

故曰為無著

脫羣民困厄

無增壞諸色

痛痒亦如是

不信諸萬物

現目之所觀

一切虛無有

想識於生死

濟之令無他

不動賢聖法

是謂為無著

無倚諸佛土

在國行仁義

凡夫亦如斯

立之以佛義

度使悉無著

本九

十四

衆人懷果想  
爲人說此法  
戒忍亦如是  
興習於精進  
道意之所念  
故說無著法

木九

及緣覺之念  
以興發道心  
故講無所倚  
以除斯諸想  
邪智若慧明  
是法不生念

十五

超越於覺意  
常依所布施  
知解之顛倒  
故說無著法  
於此無所倚  
了別無若干

而說如此法  
聲聞多所念  
諸法非有思  
故曰爲無著  
則爲生死行  
所倚皆歸望

故說無所著  
以爲除此想  
解知不若干  
父母兄弟子  
不能成佛道  
設其不有依

自計已有身  
故說無著法  
演說斯無根  
室家之所有  
慕妻及姊妹  
故名曰無著

造興生死事  
吾宿之友黨  
分別墮顛倒  
終始之災患  
所講勞垢法  
是曰爲無著

則有親族念  
自念身有我  
必則處魔教  
讚揚泥洹德  
興衰及諍訟  
衆所多競利

見因有情欲  
心馳衆諸事  
棄捐於生死  
故說於無著  
斯皆言聲耳  
放逸貪萬物

欲救此等類  
心念行學道  
惟見卑賤法  
故度至無著  
拔去衆民求  
如是衆數法

故說無著法  
頑鈍意如斯  
不觀真妙義  
除棄凡夫義  
故曰爲無著  
無量人亦然

戀慕室家者  
顯譽於無著  
弗省於衆念  
專精慕佛法  
若觀善惡行  
故救於無著

以具諸相好  
仁賢得濟度  
依怙覺正利  
若得或不獲  
無戒不觀犯  
便著斯二事

精進不可計  
莊嚴諸佛土  
度之至無著  
斯乃聖道行  
放逸及智慧  
衆生興此想

而倚於此相  
成就尊上法  
無爲法之義  
則能立正願  
暗昧輒弱人  
諸念不可計

蠲除若干意  
亦念於無德  
以得如是行  
斯則興二心  
用倚是二際  
興造而不作

故說無著法  
分別凡夫法  
男子及女人  
人起此二事  
故度至無著  
欲以近聖道

存慕聖衆祐  
故說無所著  
賢聖與凡夫  
愚行之所爲  
迴動不退轉  
故興心此念

獲致於大道 不起無所滅 心常懷想著  
 用求於無為 於彼受眾生 仁人念萌類  
 以故曰無著 救濟諸求想 是則菩薩法  
 為現阿羅漢 因以發法忍 自謂為無著  
 講說羅漢事 斯應為菩薩 名住無所著  
 獲致無上道

木九

十六

佛告阿難如來至真等正覺讚歎說菩薩無  
 著亦當知之善權方便也

阿惟越致遮經聲聞品第九

佛告阿難何故如來光曜菩薩為聲聞乎菩  
 薩大士開化無數不可諸人令聞佛法分別  
 經籍故謂聲聞使聽聖道淨不放逸故謂聲

聞使聽無為安隱甘露根力覺意意止意斷  
 具足此事速至道慧故謂聲聞令得空慧身  
 無堅固暗昧之人閉塞不解所以者何乃貪  
 己身諸入之事眼存為色了觀如是則成佛  
 眼其目普見不可思議眼無所倚究竟此目  
 致一切法故謂聲聞計此諸法如呼之響莫

得著音非有說者亦無聽者無香想香亦不  
 有臭譬如有人卧出夢中嗅種種香計此無  
 香此則惑事思想所為一切諸香人所嗅者  
 譬若如夢而無堅固解斯音者則謂聲聞舌  
 之味味亦復為空若如肉段而為舌感智者  
 了之不為味或譬如聚沫以離諸論無可為

喻明者觀之知無所有不可得持想著味者  
 則致惡罪莫思六界以分別味心則開解意  
 不放逸若知此者心想無為各各分別謂所  
 聽義而聞此空故謂聲聞曉了其身諸入之  
 事聽之為空身自寂然未曾有生不知所起  
 無生不生則為聖道故謂聲聞若所聽者皆

木九

十七

無所有解身自然不起不滅故謂聲聞聽于  
 布施惠以法行不可思議佛猶此路致於佛  
 道心有所施不自見心以無意志速得聖慧  
 所以者何如其所種必獲其實亦不有果說  
 果之聲聽衣食施計物之施所與薄耳一切  
 所捨法施為尊無得貪惜莫懷施想雖有所

惠不得希望譬如幻人無有心意不興想念  
欲成行者無得想施所以者何施不希望則  
順道教故謂聲聞離諸所音一切塵埃都無  
所聽離諸有為不可以音聽受佛法分別諸  
響而無所倚所以者何二事造聲雖有二事  
則無所有因緣合致則有二事用有人故而

致法音故謂聲聞於是佛頌曰

使無央數人 聞佛無念法 以故謂聲聞

則勇猛菩薩 聞寂定之道 恬靜不放逸

無量人聽法 故謂為聲聞 聽恬怕安隱

諸樂非有像 以故為聲聞 至寂然無為

聽于覺根力 具足意止斷 自究竟斯事

故謂為聲聞 聽身所有空 不可得堅固

愚駭之所慕 故當曉了體 其目無所覩

所聽亦如茲 衆生為見侵 暗塞不了了

若得成佛眼 等目不可議 致之在本無

開化諸暗昧 無量人聞經 諸法非有興

此以得名号 稱存于聲聞 其無所聽受

了之如呼響 不見有說者 亦復無所聞  
所以名聲聞 令衆人聽受 計本不有聞  
莫為音所惑 譬如人寐夢 艱於無數香  
恍惚不可得 遊逸艱於空 了香亦如此  
未嘗有嗅香 無量人失志 菩薩令開明  
計舌無所倚 肉段不知味 設使肉鮮甘

舌亦當識之 無倚此諸想 念美為凶危

六界不可念 分別諸味種 菩薩大勇猛

目覩分別此 因聽而致之 故曰為聲聞

自分別已體 是則空自然 能了此虛無

則無起不生 若無所興隆 則解此聖道

令羣黎聽法 是則謂聲聞 計身言本淨

無形不可得 是者莫有人 聽此為聲聞

猶如幻化生 滅盡則亦空 若有觀衆相

了之為聲聞 又聽所施與 法施不可念

是軌為聖路 爾乃成佛道 隨其本所種

獲果亦如之 不可思議施 成大道無念

衣食施薄福 法施為最廣 未曾有悋惜

此則聖慧塗	弘無想之心	布施不有著
如是惠施者	疾致成佛道	釋去一切心
計耳無所聞	超度諸合會	故謂為聲聞
因呼有響應	假使不著音	則於眾聖尊
佛法無有上	諸可不聞響	一切而無倚
不二無若干	暢音有聲聞	無數佛演法
令彼聞其音	計所聞如響	樂人成佛道
善遊諸佛土	所聞不以亂	平等覺所處
卅尊無有上	聽于三千卅	所住如虛空
計人等倚寂	若泥洹無形	出人所著想
計倚有四大	是則為虛空	泥洹為想念
解諸種如是	莫得計堅固	本無生死者
不滅盡塵勞	萬物不究竟	計人弗可得
此諸法寂然	未有觀眾界	令黎民聽此
風夜亦如之	彼不與眾念	我化諸人間
使人得聽法	如此為弟子	所聞無所聞
故歎曰聲聞	雄人念往古	聽受最上法
觀不分別經	一切法一切	講音無所漏

救度一切會 為眾人說法 是則為聲聞  
 則講無為界 清淨不放逸 諦觀無說法  
 佛法亦如是 觀法不去遠 佛之所讚揚  
 彼法亦不近 是故無所倚 所以謂弟子  
 聽來隨此教 勸化於羣黎 斯乃為聞法  
 阿難我是故 講說聲聞化 假号曰弟子  
 則菩薩大士  
 佛告阿難是故如來至真等正覺歎說菩薩  
 為聲聞當知是義亦善權方便也

阿惟越致遮經卷第二

十九

木九

慙苦角反 悵然上 邪徑反下 厥反居月

鋤反床疎 演析下 矜恂上 愚反陵反  
 馱正下 憤丙上 黠反八 挽拔上  
 寢也 勗許五反 受蒞下 靜怕下 臭昌救反  
 恍惚上 惛惜上 舊作恂非